

Deinde stans ibidem inchoat, schola prosequente, Antiphonam:

**C**onfirma hoc Deus, quod operatus es in nobis, a templo sancto tuo, quod est in Jerúsalem.

**Ps. 67.** Exsurgat Deus, et dissipentur. pag. 75.

Et dicitur totus cum Glória Patri, et Sicut erat, cum Antiphona prædicta. Incepta Antiphona, Pontifex accipit mitram, stans cum ea in dicto loco, usque ad finem Psalmi. Quo dicto, Pontifex, deposita mitra, stans adhuc ibidem dicit:

Orémus.

**D**eus, qui Ecclesiam tuam sanctam, de omnibus mundi finibus congregatam, per tui lateris admirabile sacramentum cunctarum Gentium matrem esse dixisti, quam etiam populorum varietate depictam, sanctorum Martyrum tuorum meritis decorasti; bene ✠ dic, Domine quæsumus, Sanctorum tuorum opitulante suffragio, tam altare, quod eorum exornatur, te juvante, Reliquiis, quam Ecclesiam, ac fidelium tuorum tibi pie offerentium vota in illa sanctifica: Qui cum Deo Patre, et Spiritu sancto vivis, et regnas Deus in sæcula sæculorum. **R.** Amen.

Tum Pontifex benedicit populo solemniter, dicens:

Sit nomen Domini benedictum, etc.

Deinde, si velit, parat se ad celebrandum Missam. Sed si celebrare noluerit, facit per aliquem Sacerdotem solemniter Missam celebrari.

Missam dicitur de die, et cum Oratione diei dicitur sequens Collecta sub uno Per Dominum.

Oratio.

**D**eus, qui dixisti: Domus mea domus orationis vocabitur, domum istam infidelium spurcitiis contaminatam mundare, et sanctificare digneris, et omnium preces et vota hoc in loco ad te clamantium clementer exaudias, et benignus suscipias. Per Dñm nostrum Jesum Christum Filium tuum: Qui tecum vivit et regnat in unitate Spiritus sancti Deus, per omnia sæcula sæculorum. **R.** Amen.

Secreta.

**H**æc hostia, quæsumus Domine, et locum istum ab omnibus im-munditiis expurget, et supplicationes nostras semper et ubique reddat tibi acceptas. Per Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus, per omnia sæcula sæculorum. **R.** Amen.

Postcommunio.

**P**ercipientes Domine mûnera salutis æternæ supplices exoramus, ut templum hoc et cœmeterium ab infidelium inquinamentis emundatum, benedictione tua maneat sanctificatum, et pectora nostra ab omni sorde vitiorum alienata, tibi devota semper existant. Per Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus, per omnia sæcula sæculorum. **R.** Amen.

## DE RECONCILIATIONE CŒMETERII, SINE ECCLESIAE RECONCILIATIONE.

**Q**uando cœmeterium benedictum violatum seu pollutum, separatim est ab Ecclesia, et propterea ipsa non habetur pro violata vel polluta, reconciliatio cœmeterii fieri poterit quocumque die, hoc ordine:

In mane diei, qua reconciliatio fieri debet, parantur in medio cœmeterii faldistorium pro Pontifice, et vas aquæ mundæ benedicendæ, et vas salis; deinde hora convenienti Pontifex indutus in sacristia aut alio convenienti loco, amictu, alba, cingulo, stola, pluviali albi coloris, et mitra simplici, baculum pastorem in manu tenens, accedit ad medium cœmeterii, ubi supra faldistorium ornatum procumbit; et cantores ibidem incipiunt, et prosequuntur Litanias, pag. 18; in quibus cum dictum fuerit:

Ut omnibus fidelibus, etc.

**R.** Te rogamus audi nos.

Pontifex surgit cum mitra, et baculum pastorem in manu sinistra tenens, producit signum crucis super cœmeterium, dicens:

**U**T hoc cœmeterium recon ✠ ciliare digneris.

**R.** Te rogamus, audi nos.

Secundo dicit:

Ut hoc cœmeterium recon ✠ ciliare, et sancti ✠ ficare digneris.

**R.** Te rogamus, audi nos.

Tertio dicit:

Ut hoc cœmeterium recon ✠ ciliare, sancti ✠ ficare, et conse-crare digneris.

**R.** Te rogamus, audi nos.

Quibus dictis, Pontifex iterum super faldistorium procumbit, cantoribus Litanias perficientibus. Quibus finitis, surgit Pontifex ab accubitu, et benedicit ibi sal et aquam simpliciter, prout habetur supra in benedictione et impositione primarii lapidis pro Ecclesia ædificanda. pag. 117. Quo facto, Pontifex in eodem loco stans sine mitra inchoat, schola prosequente, Antiphonam:

**A**sperges me \* Domine hyssopo, et mundabor: lavabis me, et super nivem dealabor.

**Ps. 50.** Miserere mei Deus.

Et dicitur totus sine Glória Patri. pag. 64.

Incepta Antiphona, Pontifex mitram accipit, et dum Antiphona, et Psalmus prædicti dicuntur, circuit totum cœmeterium incipiens ad ejus dexteram, aspergens semper et ubique aquam benedictam cum aspersione, et potissime in loco, ubi pollutio, vel violatio commissa est. Quo peracto, redit ad locum, ubi Litanie dictæ fuerunt. Finito Psalmo prædicto, et cœmeterio undique asperso, Pontifex stans ante faldistorium suum, deposita mitra, dicit:

Orémus. Et ministri: Flectamus genua. **R.** Levate.

**D**omine pie, qui agrum figuli pretio sanguinis tui in sepulturam peregrinorum comparari voluisti; quæsumus, dignanter remiscere clementissimi hujus mysterii tui; tu es enim Domine figulus noster; tu quietis nostræ ager; tu agri hujus es pretium; tu dedisti etiam et suscepisti; tu de pretio, et in pretio tui vivifici

sanguinis nos requiescere donasti. Tu ergo Domine, qui es offensionis nostræ clementissimus indulgator, expectantissimus iudicator, iudicii tui superabundantissimus miserator, iudicium tuæ justæ severitatis abscondens post miseratorem tuæ piæ redemptionis, adesto exauditor et effector nostræ reconciliationis; hocque cœmeterium, mausoleum peregrinorum tuorum, cœlestis patriæ incolatum expectantium, benignus purifica, et reconcilia; et hic tumulorum et tumulorum corpora de potentia et pietate tuæ resurrectionis ad gloriam incorruptionis non damnans, sed glorificans resuscita: Qui venturus es iudicare vivos, et mortuos, et sæculum per ignem.

*R.* Amen.

His dictis, Pontifex stans in loco prædicto, dat benedictionem solemnem populo, dicens:

Sit nomen Domini benedictum. etc.

Tum redit ad sacristiam, aut alium locum, in quo paramenta accepit, ubi depositis sacris vestibus, vadit in pace.



## DE PATENÆ, ET CALICIS CONSECRATIONE.

**P**ontifex ad consecrationem Calicis, vel cujuslibet indumenti, seu ornamenti ecclesiastici procedere volens, debet semper stolam circa collum habere, et mitram tenere poterit ubi convenit. Quodcumque enim Episcopalia agit, episcopalibus, non sacerdotalibus, debet esse paramentis ornatus. Omnium quoque mobilium Benedictiones hujusmodi possunt fieri, ubi Pontifici placuerit, et omni die.

In Patenæ igitur consecratione, pro qua parandum est sanctum Chrisma, et vas aquæ benedictæ cum aspersorio, Pontifex stans cum mitra, dicit:

*V.* Adjutorium nostrum in nomine Domini.

*R.* Qui fecit cœlum et terram.

**O**remus, fratres carissimi, ut divinæ gratiæ benedictio consecret, et sanctificet hanc Patenam, ad confringendum in ea corpus Domini nostri Jesu Christi, qui crucis passionem sustinuit pro nostrum omnium salute.

Tum deposita mitra dicit:

*V.* Dominus vobiscum. *R.* Et cum spiritu tuo.

Orémus.

**O**mnipotens sempiternus Deus, qui legalium institutor es hostiarum, quique inter eas conspersam similitudinem deferri in Patenis aureis et argenteis ad altare tuum jussisti: bene ✠ dicere, sancti ✠ ficare, et conse ✠ crare digneris hanc Patenam, in administrationem Eucharistiæ Jesu Christi Filii tui, qui pro nostra omniumque salute seipsum tibi Deo Patri in patibulo crucis elegit immolari, ac tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Tum Pontifex, accepta mitra, facit cum pollice dexteræ manus Chrimate intincto crucem super Patenam, ab ora in oram, et mox linit, et perungit totam ejus superficiem cum ipso pollice, dicens:

**C**onse ✠ crare, et sancti ✠ ficare digneris, Domine Deus, Patenam hanc per istam unctionem, et nostram bene ✠ dictionem in Christo Jesu Domino nostro: Qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Deinde stans adhuc cum mitra procedit ad benedictionem Calicis, dicens:

**O**remus, fratres carissimi, ut Deus, et Dominus noster Calicem istum in usum ministerii sui consecrandum cœlestis gratiæ inspiratione sanctificet, et ad humanam consecrationem plenitudinem divini favoris accommodet. Per Christum Dominum nostrum.

*R.* Amen.

Tum deposita mitra dicit:

*V.* Dominus vobiscum. *R.* Et cum spiritu tuo.

Orémus.

**D**ignare, Domine Deus noster, Calicem hunc bene ✠ dicere, in usum ministerii tui pia famulatus devotio formatum, et ea sancti ✠ ficatione perfundere, qua Melchisedech famuli tui sacratum Calicem perfudisti, et quod arte vel metalli natura effici non potest altaribus tuis dignum, fiat tua bene ✠ dictione sanctificatum. Per Christum Dominum nostrum. *R.* Amen.

Deinde, accepta mitra, facit crucem cum pollice dexteræ manus de Chrimate intra ipsum Calicem a labio ejus in labium, et mox linit, et perungit interiorius ipsum totum, dicens:

**C**onse ✠ crare, et sancti ✠ ficare digneris, Domine Deus, Calicem hunc per istam unctionem, et nostram bene ✠ dictionem in Christo Jesu Domino nostro: Qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.


Tum deposita mitra, dicit super Calicem, et Patenam:


*V.* Dominus vobiscum. *R.* Et cum spiritu tuo.

Orémus.

**O**mnipotens sempiternus Deus, manibus nostris, quæsumus, opem tuæ benedictionis infunde, ut per nostram bene ✠ dictionem hoc vasculum et Patena sanctificentur, et Corporis et Sanguinis Domini nostri Jesu Christi novum sepulchrum sancti Spiritus gratia efficiantur. Per eundem Dominum nostrum Jesum Christum Filium tuum: Qui tecum vivit et regnat in unitate ejusdem Spiritus sancti Deus, per omnia sæcula sæculorum. *R.* Amen.

Demum aspergit Calicem et Patenam cum aqua benedicta, quod fieri debet in omnibus quarumlibet benedictionibus rerum. Quo facto, abstergi facit per aliquem Sacerdotem Patenam et Calicem cum mica panis, et bene mundari; deinde extersiones projiciuntur in ignem, vel sacrarium.





### DE BENEDICTIONE SACERDOTALIUM INDUMENTORUM IN GENERE.

**P**ontifex sacerdotalia indumenta benedicere volens, stans sine mitra, dicit:

℣. Adjutorium nostrum in nomine Domini.

℞. Qui fecit caelum et terram.

℣. Dominus vobiscum. ℞. Et cum spiritu tuo.

Orémus.

Omnipotens sempiternus Deus, qui per Moysen famulum tuum, pontificalia et sacerdotalia, seu levitica vestimenta ad explendum in conspectu tuo ministerium eorum, ad honorem et decorem nominis tui fieri decrevisti; adesto propitius invocationibus nostris: ut haec indumenta sacerdotalia, desuper irrigante gratia tua, ingenti benedictione per nostrae humilitatis servitium puri ✠ ficare, bene ✠ dicere, et conse ✠ crare digneris: ut divinis cultibus et sacris mysteriis apta et benedicta existant: his quoque sacris vestibus Pontifices et Sacerdotes seu Levitae tui induti, ab omnibus impulsionebus seu tentationibus malignorum spirituum muniti et defensi esse mereantur, tuisque mysteriis apte et condigne servire et inhærere, atque in his tibi placide et devote perseverare tribue. Per Christum Dominum nostrum. ℞. Amen.

Alia Oratio.

Orémus.

Deus invictae virtutis triumphator, et omnium rerum creator ac sanctificator: intende preces nostras; et haec indumenta leviticae, sacerdotalis, et pontificalis gloriae ministris tuis fructu tuo ore proprio bene ✠ dicere, sancti ✠ ficare, et conse ✠ crare digneris,

omnesque eis utentes tuis mysteriis aptos, et tibi in eis devote ac laudabiliter servientes, gratos efficere digneris. Per Dñm nostrum Jesum Christum Filium tuum: Qui tecum vivit et regnat in unitate Spiritus sancti Deus, per omnia saecula saeculorum. ℞. Amen.

Deinde aspergit ipsa indumenta aqua benedicta.

### BENEDICTIO SPECIALIS CUJUSLIBET INDUMENTI.

℣. Adjutorium nostrum in nomine Domini.

℞. Qui fecit caelum et terram.

℣. Dominus vobiscum. ℞. Et cum spiritu tuo.

Orémus.

Deus omnipotens, bonarum virtutum dator et omnium benedictionum largus infusor, supplices te rogamus, ut manibus nostris opem tuae benedictionis infundas, et has caligas, et sandalia, vel amictum, vel albam, vel cingulum, vel stolam, vel manipulum, vel tunicellam, vel dalmaticam, vel planetam, divino cultui preparatam, virtute sancti Spiritus bene ✠ dicere, sancti ✠ ficare, et conse ✠ crare digneris, et omnibus ea, vel eo, vel eis utentibus gratiam sanctificationis sacri mysterii tui benignus concede; ut in conspectu tuo sancti et immaculati atque irreprehensibiles appareant, et auxilium misericordiae tuae acquirant. Per Dominum nostrum Jesum Christum Filium tuum: Qui tecum vivit et regnat in unitate ejusdem Spiritus sancti Deus, per omnia saecula saeculorum. ℞. Amen.

Deinde aspergit ea aqua benedicta.

### DE BENEDICTIONE MAPPARUM, SEU LINTEAMINUM SACRI ALTARIS.

**P**ontifex mappas seu linteamina sacri altaris benedicturus, stans sine mitra, dicit:

℣. Adjutorium nostrum in nomine Domini.

℞. Qui fecit caelum et terram.

℣. Dominus vobiscum. ℞. Et cum spiritu tuo.

Orémus.

Exaudi Domine preces nostras, et haec linteamina sacri altaris tuis preparata bene ✠ dicere, et sancti ✠ ficare digneris. Per Christum Dominum nostrum. ℞. Amen.

Orémus.

Domine Deus omnipotens, qui Moysen famulum tuum ornamenta et linteamina facere per quadraginta dies docuisti, quae etiam Maria texuit, et fecit in usum ministerii tabernaculi foederis, bene ✠ dicere, sancti ✠ ficare et conse ✠ crare digneris haec linteamina ad

tegendum involvendúmque altáre gloriosíssimi Fílii tui Dómini nostri Jesu Christi: Qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

*Deinde aspergit ea aqua benedicta.*

### DE BENEDICTIONE CORPORALIUM.

**P**ontifex Corporalia benedicere volens, stans sine mitra, dicit:

*V.* Adjutórium nostrum in nómine Dómini.

*R.* Qui fecit cœlum et terram.

*V.* Dóminus vobíscum. *R.* Et cum spíritu tuo.

*Orémus.*

**C**lementíssime Dómine, cujus inenarrábilis est virtus, cujus mysteria arcánis mirábilibus celebrántur, tribue quæsumus; ut hoc linteámen tuæ propitiatiónis bene *x* dictiône sanctificétur ad consecrándum super illud Corpus et Sánguinem Dei et Dómini nostri Jesu Christi Fílii tui: Qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

*Alia Oratio.*

*Orémus.*

**O**mnípotens sempitérne Deus, bene *x* dicere, sancti *x* ficare, et conse *x* crare dignéris linteámen istud ad tegendum involvendúmque Corpus et Sánguinem Dómini nostri Jesu Christi Fílii tui: Qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

*Alia Oratio.*

*Orémus.*

**O**mnípotens Deus, má nibus nostris opem tuæ benedicti ónis infúnde: ut per nostram bene *x* dicti ónem hoc linteámen sanctificétur, et Córporis ac Sánguinis Redemptóris nostri novum sudárium Spíritus sancti grátia efficiátur. Per eúmdem Dóminum nostrum Jesum Christum Fílium tuum: Qui tecum vivit, et regnat in unitáte ejúsdem Spíritus sancti Deus, per ómnia sæcula sæculórum. *R.* Amen.

*Deinde aspergit ea aqua benedicta.*

### DE BENEDICTIONE NOVÆ CRUCIS.

**N**ova Crux, seu tabula in qua Crucifixus est depictus, hoc modo benedicitur. Paratis thure, thuribuloque cum igne, et aqua benedicta, Pontifex paratus supra rochetum, amictu, stola, pluviali rubri coloris, et mitra simplici, stans sine mitra, dicit:

*V.* Adjutórium nostrum in nómine Dómini.

*R.* Qui fecit cœlum et terram.

*V.* Dóminus vobíscum. *R.* Et cum spíritu tuo.

*Orémus.*

**B**éne *x* dic, Dómine Jesu Christe, hanc Crucem, per quam eripuísti mundum a potestáte dáemonum, et superásti passióne tua suggestórem peccáti, qui gaudébat in prævaricati óne primi hóminis per ligni vétiti sumpti ónem: Qui cum Deo Patre, et Spíritu sancto vivis et regnas in sæcula sæculórum. *R.* Amen.

*Alia Oratio.*

*Orémus.*

**R**ogámus te, Dómine sancte, Pater omnípotens, sempitérne Deus, ut dignéris bene *x* dicere hoc lignum Crucis, ut sit remédium salutáre géneri humáno; sit soliditas fidei, proféctus bonórum óperum, redemptio animárum: sit solámen et protéctio ac tutéla contra sæva jácula inimicórum. Per Dóminum nostrum Jesum Christum Fílium tuum: Qui tecum vivit, et regnat in unitáte Spíritus sancti Deus.

*Deinde dicit voce mediocri, extensis manibus ante pectus, Præfationem.*

*Per ómnia sæcula sæculórum. R.* Amen.

*V.* Dóminus vobíscum. *R.* Et cum spíritu tuo.

*V.* Sursum corda. *R.* Habémus ad Dóminum.

*V.* Grátias agámus Dño Deo nostro. *R.* Dignum et justum est.

**V**ere dignum et justum est, æquum et salutáre, nos tibi semper, et ubíque grátias ágere, Dómine sancte, Pater omnípotens, ætérne Deus: cujus sanctum ac terríbile nomen inter céteras visibiles creatúras, ligna quoque fructífera laudáre ac benedicere non cessant: Qui in figúram unigénitæ sapiéntiæ tuæ ligno vitæ a principio paradísium voluptátis ornásti, ut ejúsdem fructus sacro mysterio protoparéntes nostri géneris mortem cavére, et vitam admónéres obtinére perpétuam: quique nos vétitæ árboris attáctu justæ morti addictos, ejúsdem coætérnæ tibi sapiéntiæ Dei et Dómini nostri Jesu Christi innóxia morte ad vitam misericórditer revocáre dignátus es: te súpplices exorámus, ut hoc singuláre signum, quod ad exéplum primi illíus sacratíssimi vexílli, quo preti óso Fílii tui Sánguine triumphásti, fidélium tuórum devoti óne compáctum erectúmque est, cœlésti tuæ bene *x* dicti óne sanctificáre dignéris; ut ómnibus hic génuæ flecténtibus, ac tuæ majestáti supplicántibus, lárgior et cordis compúnctio, et admissórum indulgéntia concedátur; atque intercedénte ipsa victoriosíssima unigéniti Fílii tui passióne, et tibi plácita postuláre, et citius váleant postuláta percípere. Da quæsumus, clementíssime Pater, in quo vivimus, movémur, et sumus, ut quóties triúmphum divínæ humilitátis, quæ superbiam nostri hostis dejécit, óculis intuémur, quotiésque mente recólimus, et contra hostem ipsum fidúciám fortitúdinis, et majórem tibi devótæ humilitátis grátiam consequámur. Quátenuis in illo treméndo tuæ majestátis exámine, cum pavéntibus eleméntis, cœlorúmque commóti virtútibus, signum istud glóricum Redempti ónis

nostræ apparuerit in cœlo, ipsi de morte ad vitam transire, ac perpétua beátæ resurrectionis videre gáudia mereámur.

*Quod sequitur dicit submissa voce legendo, ita tamen quod a circumstantibus audiri possit.*

Per eúndem Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

*Orémus.*

**D**eus, qui beátæ Crucis patibulum, quod prius erat sceléstis ad pœnam, convertisti redéptis ad vitam; concéde plebi tuæ ejus vallári præsidio, cujus est armáta vexillo. Sit ei Crux fidei fundaméntum, spei suffrágium, in advérsis defénsio, in prósperis adjuvámen; sit ei in hostes victória, in civitáte custódia, in campis protéctio, in domo fultúra; ut per eam pastor in futúro gregem consérvet incólumem, quæ nobis, Agno ✠ vincénte, convérsa est in salutem. Per eúndem Dóminum nostrum Jesum Christum Fílium tuum: Qui tecum vivit, et regnat in unitáte Spíritus sancti Deus, per ómnia sæcula sæculórum. *R.* Amen.

*Alia Oratio.*

**S**ancti ✠ fica, Dómine Jesu Christe, signáculum istud passiónis tuæ, ut sit inimicis tuis obstáculum, et credéntibus in te perpétuum efficiátur victóriæ vexillum: Qui cum Deo Patre vivis et regnas in unitáte Spíritus sancti Deus, per ómnia sæcula sæculórum. *R.* Amen.

*Tum offertur Pontifici thus in navicula, aut alio vase, quod Pontifex stans sine mitra benedicit, dicens:*

*Orémus.*

**D**ómine, Deus omnipotens, cui assistit exercitus Angelórum cum tremóre, quorum servítium spirituále et ígneum esse cognóscitur: dignáre respicere, bene ✠ dicere et sancti ✠ ficáre hanc creatúram incénsi; ut omnes languóres, omnésque infirmitates atque insídiæ inimici odórem ejus sentiéntes effúgiant, et separéntur a plásmate tuo, ut numquam lædátur a morsu antiqui serpéntis, quod pretiósó Fílii tui Sanguine redemísti. Per eúndem Christum Dóminum nostrum. *R.* Amen.

*Quo facto, Pontifex imponit thus in thuribulum. Deinde aspergít crucem aqua benedicta, et mox eam incensat. Tum dicit adhuc stans sine mitra:*

**S**anctificétur lignum istud, in nómine Pa ✠ tris, et Fí ✠ lii, et Spíritus ✠ sancti: et benedictio illius ligni, in quo membra sancta Salvatóris suspénsa sunt, sit in isto ligno; ut orántes inclinántesque se propter Deum ante istam Crucem, invéniant córporis et animæ sanitátem: Per eúndem Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

*Tum Pontifex, flexis ante crucem genibus, ipsam devote adorat, et oscu-*

*latur. Idem faciunt quicumque alii voluerint. Si vero crux est ex metallo, vel lapide, loco præcedentis orationis, videlicet Sanctificétur, etc.*

*Pontifex stans sine mitra, dicit sequentem Orationem:*

**D**eus glóriæ, Deus excélse Sábaoth, fortíssime Emmánuel, Deus pater veritátis, pater sapiéntiæ, pater beatitúdinis, pater illuminationis ac vigilatiónis nostræ, qui mundum regis, qui cuncta regna dispónis, qui es bonórum collátor múnorum, et bonórum ómnium attribútor; cui omnes gentes, pópuli, tribus et linguæ sérviant; cui assistit omnis Angelórum légio; qui largiris fámulis tuis fidem et laudem tui nóminis, ut débita tibi obláta persólvant, cui prius fides offeréntium cómplacet, deínde sacrificátur oblátio, quæsumus exorábilem misericórdiæ tuæ pietátem, ut sancti ✠ fices tibi hoc signum crucis et cónse ✠ cres, quod tota mentis devotióne famulórum tuórum religiósá fides constrúxit, trophæum scilicet victóriæ tuæ ac redemptiósionis nostræ, quod in amórem Christi triumphális glória consecrávit. Aspice hoc signum crucis insuperábile, per quod diaboli est exinaníta potéstas, mortálium restitúta libértas: quæ licet fúerit aliquándo in pœnam, sed nunc versa est in honórem per grátiam; et quæ reos quondam puniébat supplicio, nunc et nóxios absólvit a débito. Et tibi quid per hoc placére pótuit, nisi id per quod tibi plácuít nos redímere? Et nullum tibi débitum ámplius munus est, quam quod tibi tunc córporis dedicávit affixio; nec tibi est magis familiáris oblátio, quam quæ familiári mánuum tuárum extensióne sacráta est. Illis ergo máribus hanc crucem áccipe, quibus illam ampléxus es; et de sanctitáte illius hanc sancti ✠ fica, et sicuti per illam mundus expiátus est a reátu, ita offeréntium famulórum tuórum animæ devotíssimæ hujus crucis mérito, omni cáreant perpetráto peccáto; et tuæ veræ crucis obtéctu, enitescant succésibus assíduis triumphatóres. Rádiet hic unigéniti Fílii tui Dómini nostri splendor divinitátis in auro; émicet glória passiónis ejus in ligno; in cruce rúilet nostræ mortis redéptio; in crystálli splendóre vitæ nostræ purificátió. Sit suórum protéctio, spei certa fidúcia; eos simul cum gente et plebe, fide confirmet; spe et pace consóciat; aúgeat triúmphis; amplíficet in secúndis; proficiat eis ad perpetuitátem témporis, ad vitam æternitátis; ut eos temporáli florétes glória múniat, et ad perpétuam redéptos coronám, ad regna cœléstia poténti virtúte perdúcat. Præsta, per propitiatióne Sanguinis ejus, per ipsum datórem, qui seípsum dedit redemptiósionem pro multis, qui se hóstiam pro delictis offerre dignátus est, qui exaltátus in ligno crucis suæ, principátus et potestátes humiliávit, qui tecum sidéreo cónsidet throno, indissolúbili connexióne Spíritus sancti, per infinita sæculórum sæcula. *R.* Amen.

*Tum Pontifex, flexis ante crucem genibus, eam devote adorat, et osculatur; idem faciunt quicumque alii voluerint.*

## DE BENEDICTIONE CRUCIS PECTORALIS.

**A**d benedicendam Crucem pectoralem, Pontifex potest uti forma assignata pro Benedictione Crucis proficiscentium in subsidium terræ sanctæ, ut infra. pag. 220.

## DE BENEDICTIONE IMAGINIS B. M. V.

**P**ontifex benedicturus Imaginem beatæ Mariæ Virginis, paratus supra rochetum, amictu, stola pluviali albi coloris, et mitra simplici, stans sine mitra, dicit:

*V.* Adjutorium nostrum in nomine Domini.

*R.* Qui fecit cælum et terram.

*V.* Dominus vobiscum. *R.* Et cum spiritu tuo.

Orémus.

**D**eus, qui de beatæ Mariæ Virginis útero Verbum tuum, Angelo nuntiante, carnem suscipere voluisti: præsta supplicibus tuis; ut qui vere eam Genitricem Dei credimus, ejus apud te intercessionibus adjuvemur. Per eundem Christum Dominum nostrum. *R.* Amen.

Quo facto, aspergit figuram aqua benedicta. Deinde inchoat, schola prosequente, Antiphonam: Sub tuum præsidium.

Qua incepta, et dum ea cantatur, thurificat Imaginem ipsam ter ducens thuribulum. Deinde sedet, reassumpta mitra, donec compleantur Antiphonæ et Psalmi sequentes.

**Ant.** Sub tuum præsidium, \* confugimus sancta Dei Génitrix: nostras deprecationes ne despicias in necessitatibus; sed a periculis cunctis libera nos semper, Virgo gloriósa et benedicta.

**Ps. 86.** Fundaménta ejus. pag. 122.

Tempore Paschali, Antiphona.

Allelúja, allelúja.

**Ps. 86.** Fundaménta ejus. pag. 122.

Deinde dicitur Antiphona.

**Ave** María, grátia plena, Dominus tecum: benedicta tu in mulieribus. Allelúja.

Psalmus 122.

**A**d te levavi oculos meos, \* qui habitas in cælis.

Ecce sicut oculi servorum, \* in manibus dominorum suorum.

Sicut oculi ancillæ in manibus dominæ suæ: \* ita oculi nostri ad Dominum Deum nostrum, donec misereatur nostri.

Miserere nostri Domine, miserere nostri: \* quia multum repléti sumus despectione:

Quia multum repléta est anima nostra: \* opprobrium abundantibus, et despectio superbis.

Glória Patri.

Sicut erat, etc.

Finitis Antiphonis, et Psalmis prædictis, Pontifex surgit, deposita mitra, et dicit:

Orémus.

**D**eus, qui virginalem aulam beatæ Mariæ Virginis, in qua habitares, eligere dignatus es: da, quæsumus; ut sua nos defensione munitos jucundos facias suæ interesse commemoratióni: Qui vivis et regnas cum Deo Patre in unitate Spiritus sancti Deus, per omnia sæcula sæculorum. *R.* Amen.

Deinde Pontifex incipit Antiphonam, schola prosequente. Qua incepta, sed cum mitra, donec perficiatur Antiphona.

**O** gloriósa Dei Génitrix \* Virgo semper María, quæ Dominum omnium meruisti portare, et Regem Angelorum sola virgo lactare, nostri, quæsumus, pia memorare, et pro nobis Jesum Christum deprecare; ut tuis fulti patrociniis, ad cælestia regna mereamur pervenire.

Canticum B. Mariæ Virginis. Lucæ 1. c.

**M**agnificat \* anima mea Dominum.

Et exultavit spiritus meus: \* in Deo salutari meo.

Quia respexit humilitatem ancillæ suæ: \* ecce enim ex hoc beatam me dicent omnes generationes.

Quia fecit mihi magna qui potens est: \* et sanctum nomen ejus.

Et misericordia ejus a progenie in progenies \* timentibus eum.

Fecit potentiam in brachio suo: \* dispersit superbos mente cordis sui.

Deposuit potentes de sede, \* et exaltavit humiles.

Esuriens implévit bonis: \* et divites dimisit inanes.

Suscépit Israël puerum suum, \* recordatus misericordiæ suæ.

Sicut locutus est ad patres nostros, \* Abraham, et semini ejus in sæcula.

Glória Patri. Sicut erat, etc.

Finita Antiphona, surgit Pontifex, sine mitra stans usque ad finem Cantici. Quo finito, dicit:

Orémus.

**D**eus, qui de beatæ Mariæ Virginis útero, Verbum tuum Angelo nuntiante carnem suscipere voluisti: præsta supplicibus tuis; ut qui vere eam Genitricem Dei credimus, ejus apud te intercessionibus adjuvemur. Per eundem Christum Dominum nostrum.

*R.* Amen.

Orémus.

**O**mnipotens sempiternus Deus, clementissima cujus dispensatione cuncta creantur ex nihilo; hanc imaginem in honorem piissimæ Genitricis Filii tui Domini nostri Jesu Christi venerabiliter adaptatam bene \* dicere et sancti \* ficare digneris; et præsta, misericordissime Pater, per invocationem nominis tui, atque ejusdem uni-